

DE

VOMITU AQUÆ EX GULA,

Vulgo:

Derck- oder Gallen-Wasser;

Quam

AUSPICE SUMMO

DECRETO ET AUTHORITY INCLYTI MEDICORUM
ORDINIS IN ALMA HAC ET ANTIQUISSIMA
EBERHARDINA,
PRÆSIDE

VIRO NOBILISSIMO, EXCELLENTISSIMO, ET EXPERI-
ENTISSIMO, DOMINO,

**DN. ELIA RUDOLPHO
CAMERARIO,**

Phil. & Med. D. & P. P. Ordinario, Facult. h. t.

DECANO Spectatissimo, Sereniss. Duc. Wür-
temb. Archiatro & Consiliario,

Fautore, Patrono & Fraceptore suo colendissimo,

PRO LICENTIA.

Summos in Medicina Honores, Privilegia & Insignia

DOCTORALIA

ritè legitimeque consequendi,

Publico & solenni Examine submitit,

Ad diem Septembris.

IN AULA NOVA,

MELCHIOR FRIDERICUS Geuder /

Nördlinga-Rhætus.

TUBINGÆ,

TYPIS Viduæ JOHANN-HENRICI REISL,

ANNO M DCLXXXVI. K

THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE



P R O Æ M I U M.



Um ex more recepto post ex-
lata examina Publicum edere *Specimen* jube-
 or, hac Disputatione excussum affectum
 Tibi sisto, B. L. utur ejus in scriptorum
 monumentis rara injiciatur mentio, in
 praxi tamen haud infrequentem, ex Ex-
 cell. DN. D. Praesidis (cui, quantum mea debeant stu-
 dia, nunc tacita potius veneratione prosequi, quam o-
 peroso verborum ambitu, eoque tamen insufficienti
 complecti, parerit) observatione. Cum autem ne pro-
 fuse quidem fari, nedum copiose praefari pagellarum
 angustiis circumscripto liceat, id unicum contendo, ne,
 si hoc thema minus forsan concinne & accuratè elabo-
 ratum videatur, vitio statim vertas, sed ætati, qua & ju-
 dicio & experientiam multum adhuc impediri lu-
 bens fateor, tantillum indulgeas, nec minus Auctorum,
 quorum vestigiis potuisssem insistere defectui aliquid tri-
 buas. Sit ergò.

§. I.

N On arbitror esse necessum, ut multum temporis chartæque
 perdam in operosa *nominum* enodatione *Philologica*, eorun-
 demque ubere explicatione; cum, quid *Vomit* in genere, quid
Vomit Aquæ, sive seri sibi velint? neminem, vel leviter rudi-
 mentis Medicinæ imbutum latere possit. Hoc tamen *monendum*
 duco, me vocem *Vomit* alias ventriculi affectum dicentem, in
 significatione minus quidem usitata, non absorta tamen, nec pror-
 sus non analogâ adhibere, prout comparisonem inter utrumque
 affectum instituenti patebit.

§. II.

Id autem *primum* mihi datum negotii existimo, ut affectus hujus *historiam* ante omnia oculis exponam: Homines potissimum *temperamento* gaudentes bilioso, aliquando melancholico, quorumque sanguinem particulæ acres, & θια peregrina inficiunt, parum appetentes, vini vel *aus* ipsius potui nimis dediti, vel illud jejuno haurire stomacho soliti, vel etiam, qui alias minus assueti per unum alterumve diem liberius paullo *Libero Patri* litant, mane, excusso somno, cum ore fauces habent *siccissimas, molesti quid* in faucibus, ac infra illas, quodque glutinosum quasi tenaciter hæreat, sentiunt, in parte scrobiculo cordis superiori inque principio nonnunquam faucium, per quadrantem horæ & ultra aded irritans, ut non solum ipsi ægri *excreatione* summo conatu illud educere tentent, sed & ipsa natura magna vi ad *sudorem* usque conatu à vomendi conatu diverso ejus molietur expulsiōem, usque dum *seri tenuis*, modo insipidi, nonnunquam acidi, aliquando biliosi amaricantis, exigua, plerumque quantum unum excipit *cochlear*, nonnunquam *duo* vel *tria*, portio ejiciatur. Vulgus id *serum* appellare solet, *das Gatten Wasser* / ratione nominis deducta à *sapore* plerumque bilioso-amaro: Alii vocant, *das Herß Wasser* /cujus nominis non aded patet ratio, nisi quod forsan quidam ea, sed absurda ducantur opinione, fontem hujus aquæ in pericardio liquorem quendam seri sobolem continentes querendum esse; vel quod illa irritatio molesta frequenter circa cordis vulgò dictum scrobiculum sentiat.

§. III.

His præmissis describo hunc morbum, quod sit *excretio per os humoris serosi*, descripto modo se habentis, à fibrarum gule musculosarum contractione *spasmodica*, ob mucum gule irritantem *proficiens*. Varie posset hic morbus definiri, vel per *actionem depravatam*, vel per *morbum solute unitatis*, aut *auctæ magnitudinis*.

§. IV.

Quia autem in definitione affectus dicitur *excretio humoris serosi per os*, necessum erit, cum varix ejusmodi *excretionum species* libros Medicorum occupent, quasdam enarrare, & ab hoc affectu

affectu distinguere. Motus ergo convulsivus fibrarum gulæ statim dicit non intelligi hic 1. *illam excretionem feri per os*, quam *Ptyalismum* vocant, dum saliva vel ob materię copiam, vel glandularum secretorum laxitatem, aut aliam quamcunque labem; vel ob feri per medicamenta, & alia præsertim, fusionem, attenuationemque per ductus salivales *Warthonianos*, *Stenonianos*, *Rivianio-Bartholinianos*, & *Nukianos*, ab Inventoribus ita dictos, nec non alia vasa glandularum secretioni salivæ ministrantium excretoria (ab *Excell. Dn. D. J. M. Hoffmanno, Jun. P. P. Altorffino, b. t. ibid. Rector. Magnif. Præceptore & Fautore meo honoratissimo*, nec non à *B. Lossio* peculiaribus de *Saliva* Disputationibus accuratissimè descripta) copiosè in cavitatem oris deposita, crebram sine tussi sreatu & vomitu expuitionem inducit. Nec 2. *illam*, quam tum vomituriētes, tum oscitantes experimur sæpè, quando glandulis & ductibus salivalibus à musculis compressis saliva extra os, nonnunquam ad aliqualem distantiam profilit. vid. *Nuk. de ductu salival. nov. c. 2. p. 46.* Nec 3. *illam*, quam in studioso observavit laudatus *Lossius*, ex cujus uvula limpida & aquosa materia cum impetu exiit. Nec 4. *illam*, dum cum sreatu & tussi serpm ex minutis *asperæ arteriæ* glandulis, vel aliunde in partes respirationi dicatas derivatum ejicitur. Nec 5. hic vomitum aqueum à ventriculo contingere itidem solitum intelligi, docet molestiæ locus, & aquæ ejici solitæ exigua quantitas: non tamen nego, utrumque aliquando jungi. Quorsum referenda sit observatio *Hanemanni*, in *Ephem. Curios. Dec. 2. Ann. 4. obs. 108. p. 207.* annotata, ob omissas potissimas & summè necessarias circumstantias determinari nequit.

§. V.

Sed pergo ad propositum affectum, cujus Subjectum in *basionis* est canalis ille, ori ad ventriculum usque continuus, *Oesophagus* & *Gula* dictus, nervis, arteriis, venis, vasisque lymphaticis præditus, ex tribus juxta nonnullos, ex quatuor, quinque imò sex secundum alios tunicis constans, exteriori communi, à plerisque à *Perronæo*, à *Willisio* à diaphragmate, à *Diemerbrækio* & *Blasio* à Pleura derivata: altera carnosa, & veluti musculosa, (quam duplicem facit sex numerans tunicas *Blasius*,) fibris longitudinalibus,

transversis oblique ascendentibus & descendentibus pro subiecto-
rum varietate variis instructa. Cui subjacet tertia in lamellas va-
rias divisibilis, à *Blasio* in Oesophago vitulino, *Robnio* in canino
notata, inque bovino nuper à me visa, membranacea. (vid. *Blas.
Anat. Anim. & Bohn. Colleg. Anat. experim. Msc.*) Quarta ner-
vea, membranæ os faucesque succingenti continua, post levem e-
lixationem tendinea & quasi cartilaginea eodem *Bohno* teste e-
vadens, crustaque villosa tenuissima veluti lanugine obducta,
quam nonnulli, (forsan non inconcinne,) quintam constituere tu-
nicam contendunt. Nervea tunica ablata conspectui se sistunt,
glandulæ plurimæ miliares, cætui congregatarum secundum no-
vam *B. Lossii* in *Disp. de glandul. in gen.* divisionem annumeran-
dæ, vasis excretoriis veluti foraminulis exiguis apparentibus sin-
gulæ præditæ, pressæque humorem quendam stillantes, nec ve-
teribus, quantum ex *Tb. Janson. ab Almelooven invent. nov. antiq.
f. 18. p. 161.* colligere est, penitus ignotæ, accuratius tamen
notatæ ab eodem *Lossio*, *Wepfero*, *Hardero*, *Brunnero*, *du Ver-
ney*, *Craanio*, *Broen*, *Kænigio*, & div. rsis in scriptis descriptæ:
melius & facilius observandæ si nervea divulsa tunica carnea lu-
ci opponatur secundum *du Verney*, vel gula in aqua maceretur,
vel microscopio subjiciatur, secundum *Wepferum* & *Kænigium*.
Prioribus duabus enchiridis contentum me esse jubebat micro-
scopii defectus, quibus adhibitis in gula ex animali recens ma-
dato desumpta promte in conspectum venerunt. Sed aurem quis
vellicat; has glandulas non minus ac stomachicas in brutorum
tantum, non hominum cadaveribus esse repertas: Verum enim-
verò præterquam quod perpetua serè corporis inter humani & ple-
torumque brutorum structuram internam intercedat analogia, quæ
objici potest, de illarum in corpore humano quoque existentia ex
hoc solo dubitare nollem, nec illum nodum in scripo quæsiturum
statim dicerem, qui illas ut & stomachicas (quas in fœmina fluo-
re uterino laborante, *Muraltus*, in infantibus *du Verney* se vidisse
referunt: vid. *Bonet. Anat. Pr. l. 3. S. 36. p. 1353.* & *Journal
des sçavans. Ann. 78. m. Aug. p. 372.*) in humanis cadaveribus
curatius investigare conaretur; utut non desit dubitandi ansa, an
facile nudo præsertim oculo quis illas sit visurus, post mortem
quippe

quippe flaccescences, eo serè modo, quo pinealis glandula in canibus à nonnullis eapropter deesse credita (quam tamen, si primo statim caput inspiciatur, apparere, ex relatione *Amici* didici) flaccescit, & instar membranæ concidit; quod ex eo evadit probabilius, quod hæ ipse glandulæ in Oesophago brutorum altero post extractionem die nudo oculo inspecto tantum non frustra quærantur. Et si *glandulas vasorum lymphaticorum* stamina appello æternumque *glandulas* inter & *vasa lymphatica* commercium cum *Stenone*, *Wedelio* aliisque, urgeo; *vasorum lymphaticorum* in Oesophago etiam conspectorum præsentia egregium pro stabilienda *glandularum* existentia subministrat argumentum.

§. V I.

Causa est *fibrarum tunice oesophagi carnosæ contractio spasmodica*, ab irritatis abus animalibus dependens: Res verò irritans est mucus alias naturaliter gulam oblinens, aliquando quantitate deficiente, aliquando qualitate, dum non blanda rosida sua substantia humectat, sed particulis acribus, acutis, cuspidatis, rigidis, rodendi, pungendi, vellicandi vi gaudentibus præditus est, aliquando utraque peccans.

§. V I I.

Hæc ut eo melius intelligantur, inconcinnum non erit, *seri conditionem* in statu naturali paucis proponere. Constat ergo ex *Physiologicis* 1. fluidum illud elegantissime rubedine commendans, quod massam solemus nominare sanguineam, ex duabus partibus constare; una purpurea sulphureo-salina purissima, & maximè exaltata, secundum *Leuwenbokium*, *Cass. Bartholinum*, *Syen*, *Brunnerum*, *Bobnium*, *Kænigiam*, & alios, sub minimorum globulorum in continuo motu nunc sursum nunc deorsum, nunc ad latera tendentium schesi apparente; altera (quæ experimentis *Boylei* in appar. ad histor. sangu. bum. & *Bobnii* in Lips. Act. enarratis potissimam ejus constituit partem) seroso-gelatinosa, mucilaginosa, quæ post pastum chylosa, alias verò crystallina pellucida gaudens observatur, & fibrarum quoque sanguinei vulgo tributarum auctor est, transvectionem prioris insuper juvans. Constat 2. portionem hujus postquam illam ope fibrarum cordis muscularium in arterias propulsam tanquam individuus comes, ad extre-

extremitates utque arteriarum secuta fuerit pro nutritione partium una cum illa, & pro humectatione & oblatione ipsarum hinc inde deponi; aliam in variis glandulis secerni, vel sanguineæ massæ ad varios usus præstandos, sive immediatè, sive mediatè reaffundendam, vel è corpore eliminandam; aliam cum dictis globulis venas intrare; reliquam tandem venas intrare non valentem vasis sic dictis lymphaticis à *Tb. Bartholino*, si non primum visis, primum tamen erudito orbi communicatis ac descriptis in interstitia fibrarum desinentibus, & ex mechanica quadam secundum *Schelhammeri* placitum, necessitate venis in officio reducendi associatis se insinuare, & vel immediatè magis per lymphatica nempe jugularia & axillaria descendencia nominata, vel mediante ductu thoracico cum sanguine venæ subclaviæ & jugularis ad sanguinis fontem, Cor videlicet redire, sicque suum peragere circum. Constat 3. serum à quibusdam glandulis secretum glutinosum quasi ac mucosum per membranas partium cavarum diffusum easdem humectare & oblinire. Constat depique ex Pathologicis, dictam partem serosam esse salium receptaculum, adque illa in sinu suo gerenda aptissimum.

§. V. I. I.

His ita, quantum instituti permittit ratio, suppositis & consideratis, haud erit difficile, *modum quo morbus hic producitur*, probabiliter saltem deducere, modo mox dicendo. Dum nempe serum inevitabili circulationis lege cum sanguine ad Oesophagum quoque deferretur, ut pars pro nutritione relinquatur, alia à glandulis dictis separetur, pro oblinenda gula mucosque singulas ejus membranas nerveam potissimum perfundente ac humectante, ipsi obducendo, reliqua partim per venas, partim per vasa lymphatica ad cor redeat; illud v. particulis sulphureo-salinis biliosis vel aliis acerbis imprægnatum est, mucum talibus tinctum relinquit, (ille enim mucus nil nisi serum est) & accusatæ particulæ singulæ absorberi aut revehi nequeunt; Mucus ergò vel ob seri vitium, cuius soboles est, vel ob ipsarum glandularum suo non debitè fungentium officio culpam, vel à transmissis per os ad gulam (quod aliquando fit) acris redditus distendendo, vellicando, aliove quovis modo irritat, ut à fibris muscularibus spasmodicè contractis
serum

serum, quod in vasis lymphaticis glandulis ac dicendis locis continetur, mox extorqueatur, sursum pellatur, & per os excernatur. Annon hydatides etiam ab ejusmodi stagnatione & motu feri impedito oriundæ hic quoque oriri possint & irritare, usque dum ruptæ contentum cogantur evomere humorem, aliis judicandum reliquo: de hoc tamen non dubitans, illi sero, quod in hoc affectu excerni cernimus, non nihil salivæ ob glandulas & vasa salivalia sub illo conatu & expulsionem à musculis compressa, linguæque agitationem majorem & frequentiore, accedere & una ejici. Addidi supra etiam *vitium quantitatis deficientis*, dum enim gula isto moco denudata nec sufficienter obducta est; nervæ fibrillæ facillimè irritantur, & spasmodica constrictione serum ex dictis locis extrudat. Ista autem loca sunt modò glandularum (accedente earum laxitate & debilitate, aut etiam vasculorum excretoriorum in cavitatem gulæ hiantium ob siccitatem & calorem arefactione, constrictione, angustatione & obstructione) a reolæ, modo vasa lymphatica, (quæ in statu naturali non nisi revehentia, quin coacta pressa in p. n. contentum evomant, nullus dubito) modo tunicarum quartæ præprimis & quintæ interstitia, (cui meditationi ansam dedit *Albinet & Wepseri* de causa boli id faucibus ab hysteris potissimum sentiri soliti, conjectura, vid. *Wepf. Histor. Cic. aquat. c. 20. p. 260. § 267.*)

§. I X.

Nec reliquorum præsentium symptomatum rationem reddere nunc erit difficile; *Appetitus* siquidem *imminutus* debetur liquori gastrico debita crasi non gaudenti, non debite ac blande salino, acido, spirituofo volatili existenti, sed acrimonia tali salina sylvestri peregrina, inimica, quali totum serum, imprægnato: Neque id mirum; cum ipse ille liquor gastricus, (qua voce libentius, quam fermenti minus congrua utor) si tum ratio, tum experimenta præcipue *Bobniana* consulantur, nihil aliud sit, quam ipsissimæ lymphæ portio à glandulosa ventriculi tunica ex arterioso sanguine secreta, & spirituum animalium per nervos copiose ventriculo implantatos affluxu paullo magis volatilifata & exaltata. *Anxietas* verò illa deducenda à cordis & sanguinis motu per summum illum naturæ conatum immutato, & inæquali reddito; spiritibus

animalibus etiam in motus anomalos & tremulos quasi actis, variasque ideas menti offerentibus; quod & in vomendi conatu, in magno terrore, similiq; casu fieri quemvis frequens, & minus plerumq; optata experientia sufficienter potest edocere. Qui illam anxietatem nonnunquam sequitur *sudor*, ille pro re nata, vel citatiori massæ sanguineæ motui, vel fibrillarum & glandularum subcutanearum à spiritibus intro quasi se recipientibus reli&tarum laxitati, hinc facili feri transmissioni adscribendus, quod posterius in alio quidem casu *B. Ettmüllero* placet. *Oris vero & Faucium* post experges&tionem *siccitas*, quam cum sanis tantum non omnibus, licet non in eodem gradu experiuntur communem, ipsam etiam de qua supra denudationem monstrans, vel salivæ secretioni, ob motum massæ sanguineæ nocturno tempore leniorem aut muscutorum glandulas salivales comprimantium & linguæ motum cessantem, minori, (vid. *Nük. l. c. p. 34.*) vel particulis, quibus serum imbutum est salinis, acribus calidis, potentialiter quasi (liceat ita loqui) exiccantibus imputanda.

§. X.

Res porro causam jam dictam morbi productricem *fovetes, augentes, exaltantes*, sub considerationis incudem omnino vocandæ, in *naturales, nonnaturales*, & *præter naturales* dividi solitæ: *Naturales* inter statim occurrit *temperamentum* biliosum; aliquando melancholicum, particularum talium, quales accusavi, *fecunda mater*; *Juvenilis*, potissimum verò virilis *ætas* huic affectui magis est obnoxia, tum propter vitium in diætâ accusandum ipsi frequentius, tum propter salium in sero sylvestrium ex tali diætâ abundantiam, hincque serum facilius in orgasmum agendum. *Sexus* uterque huic aptus est affectui, *Viri* tamen ob illam externam causam frequentius contingentem magis ipsi subjiuntur.

§. XI.

Non naturalium verò rerum, sive Causarum procat&ricarum ingentem in morbis producendis vim quis est, qui nesciat? occurrit hic *Aër*, tum vi sua elastica pulmones intrans, sanguini cõmiscendus, tum exteriorem corporis peripheriam ambiens, nec non cum saliva, cibisque continuo deglutitus, calidior justo & servi-

dior

dior modo, sanguinem impetuosius ex agitando, serum attenuando, & apertis simul poris copiosius illud eliminando; modo exhalationibus humidis salibusque variis peregrinis imprægnatus sanguinem similibus particulis inficiendo, huic morbo ansam præbent. Quibus peculiares *astrorum influentia* magni sunt, (quos inter unum & alterum alias *Philosophie corpusculari* & *Cartesiane* summè additum, esse miror) illi hic quoque iis locum concedunt: an verò præter Solem & Lunam reliqua etiam astra ratione suorum effluviolorum motuumve, nec non ratione variarum constellationum, oppositionum, conjunctionum in morborum generatione tantum attendenda sint? non immerito dubitat, qui immensam illorum à terreno globo distantiam consideraverit, nec non ignotam esse in tanta multitudine eorundem naturam, vimque non perceptibilem, & præterea odiosum Astrologorum dissensum, experientiasque quas adducunt nimium quantum fallaces cognoverit; quæ omnia accuratissimè tum in Collegiis, tum scriptis publicis excussit *Acad. Altorffin. Decus*, *Celeberr. Sturmius*, quem haud ita pridem, & *Patronum optimum* & *Præceptorem fidelissimum* sum expertus. Aërem excipiunt cibi calidiores, pingues, sulphureo-salinas particulas nec non acrimoniam sive in se, sive ex conditura & præparatione culinari habentes, sive in corpore demum secreti, mutati, fundentes: *Vinum* austerum, acerbum, particulas multas acidas, acres, sulphureo-salinas, terrestres, impurasque alias in suo fovens sinu: vel generosum etiam optimum & purissimum, in quantitate quam par est, majori, aut tempore incongruo haustum, non solum massam sanguineam exagitant, in effervescentiam agens, portiones balsamicas, blandas rorscidas nimis resolvendo, attenuando, deprimendo, liquorem gastricum obtundens, sed & acres exaltans, augens, aliisque modis earum proventui favens: *Vini* item Ω , particulas sulphureo-salinas, oleosas, calidas, concentratas magis possidens, & efficaciores, ob liquoris gastrici suppressionem enervationem ad acrium, acidarum particularum generationem multum conferens. Dicta tam alimenta quum potulentum non solum sero talem imprimunt characterem, dum in sanguinem abeunt, sed & in ipso transitu gulæ aliquid relinquunt. *Motus* & *quies*, si modum excedant, ille

ille particulas spirituosas absumendo, & imminuendo, blandas vero & balsamicas attenuando & resolvendo, acrimoniæ forespandens: hæc torporem spiritibus inducendo, diætarum laudabilium particularum productionem impediendo. Quo ferè modo suum quoque conferunt symbolum, *somnus & vigilia*. Sic excernenda varia *retenta*, & retinenda *excreta*, ut & tandem *animi pathemata*, ira cumprimis & terror, quæ magnam habeant in dispositione tali, qualem diximus, sanguini inducenda, modo agendi ex jam dictis facillè eruendo, virtutem, neminem qui dubitet, fore, persuasum habeo. *Præternaturalium* censui, tum in temperies totius, tum subiecti particularis qualiscunque à naturali devians crasis, organisatio, unitatis solutio inferenda.

§. X I I.

Signis multis diagnosticis in hoc affectu opus non est, ipsa ægri relatione in hoc Medicum sublevante; *subiectum* v. illa molestia & irritatio in faucibus & parte scrobiculo cordis superiore, tum conatus iste manifestant: *Cause* quoque quoad qualitates indolem cum temperamento & causis prægressis ipse sapor materię excretę & siccitas faucium ostendunt. *Ratione Prognoseos affectus* existit in se molestus magis, quam periculosus; quod ad durationem attinet, molestia illa per quadrantem horæ aut paullo ultra durat, ejecta que materia conatus cum anxietate nonnunquam statim, raro interjecta longiori mora cessat. Non pauci per unum & alterum mensem imò & annum, molestum hunc patiuntur affectum, succedente hydropè modo ascite, plerumque tympanitide.

§. X I I I.

Differentias qui sectari vellent, aliquas ab affectus longiori vel breviori duratione, qualitatum item materię excretę intensiorum vel remissiorum ratione desumere possent.

§. X I V.

Nunc ad *curationem* promovens pedem talem ex methodo medendi formo indicationem: *Solutio continui est tollenda, partium consolidatio intendenda; particula mucī ac seri salina acres, &c. sunt infringende, corrigende; mucī etiam defectus restaurandus, & si irritati demulcendi, genusque nervosum iterum solvendum.* Quæ commodè exequetur Medicus per medicamenta *stixiora*,

xiora, absorbentia dicta, & simul nervis ditata. Hæc enim particulis suis terreis, fixioribus, minus mobilibus, spongiosis, porosis, obtusis, mole aliqua & gravitate respectiva gaudentibus tenues, acres, biliosos, sulphureo-salinos, serosos, acidos humores intra poros suos recipiunt, absorbent, imbibunt, saturando corrigunt, angulos spicula & aculeos obtundunt, diffringunt, impetum, rarefactionem, æstum & effervescentiam interpositione sua & mole componunt, spiritus animales turbatos sedant, compescunt irritatos, furibundos placant, nervosas partes roborant, inque priorem placidum statum omnia redigunt, quo facto etiam sero debitus restituitur circulus, & partium continuïtas soluta coalescit. His iungenda *hæmestantia, diluentia, demulcentia, & alia,* quæ vel aqueis particulis, vel glutinosis, mucilaginosi, balsamicis, roscidis, emplasticis quasi, lævibus, hamatis, viscidis particulas supra dictas peregrinas diluunt, temperant, vel inviscant, in motu suo impediunt, aculeos sibi implicatos retundunt, tenuitatem incrassando corrigunt, muci blandi succedaneum suppeditant, ipsiusque irritantis absterisionem juvant, & continui solutionem tollunt. Possunt autem ad obtinendas dictas intentiones ex Materie Medice nostro præsentim seculo locuplete penu varia desumi, quæ inter usitatiora sunt C. C. phil. calc. ast. preparat. Cran. hom. phil. calc. C. alc. phil. calc. Ungul. alc. preparat. ʒ. diaphoret. oc. 69. preparat. Corall. r. preparat. crysall. preparat. ʒ. nativ. Unicorn. fossil. Bol. arm. preparat. croc. ʒ. Conseros. damasc. r. rad. cicbor. nymph. acetosell. pap. errat. pulp. citr. condit. miv. cydonior. condit. Syr. de alth. Fernel. e ros. sic. pap. simpl. pap. errat. acetos. acetosell. granator. rub. id. Aq. ex dictis destillatæ & aliæ appropriatæ. Theriac. Cælest. Extr. pap. errat. Formulæ qui delectatur, sequentes sibi habeat:

℞. C. alc. phil. calc.

C. phil. calc.

Corall. r. preparat.

Unicorn. fossil. an. ʒß.

ʒ. nativ. gr. viij.

Misc. F. Pulv.

Cajus dosi ʒß. cum seq. vehiculo.

℞. Aq. nymph.

pap. errat.

senectii an. ʒj ʒ.

Syr. e. ros. sicc.

acetosell. an. ʒiij.

Misc. det.

℞. Conf ros. r.

rad. cichor.

pap. errat. an. ʒ ʒ.

pulp. citr. condit. ʒiij.

Syr. granator.

de alth. Fernel. a. q. f.

F. Ele&uarium.

℞. Extr. pap. errat.

Tberiac. Caelest. an. gr. iij.

Misc. F. pil. n. v i.

dentur pro i. dosi.

Julapia etiam vel cum aqua communi, vel cum aquis de stillatis cum Syrupis dictis confici possunt; Serum ad debitam crasin, texturam ac saporem reducet usus longior iusculorum acetosa, spina-
chia, fragaria recentibus alteratorum. Liberum interea unicuique est, hæc vel similia in usum ducere; nec iisdem quoque semper for-
mularum generibus pertinacius inhærendum, sed tempori inter-
dum, nonnunquam ægri quoque genio & voluntati aliquid indul-
gendum, cum alius pilulis delectetur, alius pulverem solum, ali-
us cum aquis & syrupis permixtum lubentius assumat, alius vero
delicatiores compositiones, & ægro cuivis, (hæc tamen sine ejus no-
xa) satisfacere, proque ipsius lubitu sub hac modo, modo sub alia
forma medicamenta offerre, nemini iudicio Præfico instructo erit
difficile. Nec acidularum potus circumstantiis aliis debite pon-
deratis inutilis est. Universalis sive per superius sive per inferius
guttur, sive per renum canaliculos, sive per cutis reticulares du-
ctus educentia cur hic omittam? quærenti repono, affectui parti-
culari dicta opponi debere remedia; cum autem sanguinea massa
aut serum heterogeneis inquinatum est particulis, indicata dicta,
nullis præsentibus prohibentibus, exequenda sunt. §. XV.

§. X V.

Ex *Chirurgia* quid *ſperandum* auxilii, ſi ſeri quantitas affectu pertinaci exiſtente per veſicatoria fonticulosvè (absq̃ue ulla ratione hodie quibusdam, qui tædioſiores quam utiles, fruſtraneos pe- nitus & è *Medicina* eliminandos illos argumentis utut minùs validis dicunt, peſſimè audientes) imminuatur, aut aliorſum deri- vetur.

§. X V I.

Tanto autem magis perquam erit neceſſarium *diætæ* accu- ratum regimen, ut nempe vitetur *æris* quæcunq̃ue præ omnibus ta- men calidior & ſiccior in temperies, ut abſtineat inprimis patiens à *cibis* nimis calidis acribus ſalino-ſulphureis, nimium conditis & aromatizatis imò quæcunq̃ue ſive in ſe ſive ex conditura acrimo- niam habentibus; ut *Vinum* mediocre, modice, nec plus quam quantum neceſſitas poſtulat, debito inſuper tempore, minime jeju- no ſtomacho, vel loco hujus etiam decoctum quoddam congru- um, vel vinum ſimili decocto dilutum hauriat, *ſpiritus vini* uſum tantum non penitus omitat, iſtamq̃ue pravam illo nimium utendi conſuetudinem ſenſim ſenſimq̃ue aboleat; in *motu* & *quiete*, ſomno item ac *vigiliis* nullibi modum exco- lat: ut *excretorum* & *retento- rum* conſueta & naturalis ſervetur conſtitutio, & tandem ubi *animi* patbemata ira cum primis *triftitia* & ſimilia ingruunt, non cæco naturæ impetui, ſed rectæ rationis potius dictamini mos geratur.

I.

A Nne *gulam* curas, G E U D E R, qui voce *guloſus*,
Non re, perq̃ue *gulam* dejicis absq̃ue *gulâ*?
Sic eſt: non dapibus cum ſis, ſed in arte *guloſus*,

Exq̃ue *gulâ* { clarus redderis } absq̃ue *gulâ*.
{ Doctor diceris }

Nobil. & Præclarif. DN. Candidato, ſuo
hactenus Commenſali ſuaviſſimo

Imq̃. p.

Georg. Henricus Häberlin / D.

I I.

IN tenui chartâ *profundere cuncta videris:*
 Non tamen es *Geuder / pectore plura tenes,*
Nobil. & Clariss. Dn. Candidato
cum voto omnigenæ prosperitatis
scrips.

P R Æ S E S.

I I I.

DOctos docta decent: Quî gaudes *indole rarâ,*
Jure Tuo calamo doctrinâ quippe referto
Rarâ materiem perraram subjicis hancce,
Et scripto egregio das satque superque probatum,
Framia quod summa & summos merearis honores,
Sacrâ in Apollinis Arte. Tuis Dominâtor Olympi
Donet conatus porro successibus almis!

Nobiliss. atq. Clariss. Dn. Licentiato, alteri Damoni suo, paucula
hac volanti crenâ invitâq. Minerva Altorffio Nori,
corum gratulabundus transmissit

Joh. Georgius Zapf / Erffurtô Thur. Med. Stud.

I V.

GRatuler, an doleam potius, non exputo, ni Tu
Quid faciam tandem, Duleu Amice, nrones.
Viri plus faveam nostrum, id quoque nescio, cum sis
Alter ego, & mihi me charior, alter ego,
Hoc scio; gratari pariter, pariterque dolere
Vix me posse unum, sed puto posse duos,
Si placet ergo. Istâz necum nunc divide: sicut
Me miserum In partes dividis, ecce, duas,
Nam quia discessu tristi divelleris à me,
Divelli medium sentis & ipse mei,
Quin igitur, quin tu, ut par est, mea damna meamque
Iam dudum instituis, quæso, dolere yicem.
Si facies, ego mox etiam gratabor honores
Qui nunc, & qui Te forte deinde movent.
Tu meminisse tamen digneris Amicum Amici,
Dimidiq. Tui Dimidium ipse mei.

In Amicitia sincerâ, plusquam fraternâ, & nunquam inter-
moriturâ tessera posuit

Georg - Andreas Schloßberg / Elslingensis,

F I N I S.